

## ՀԱՅՐԵՆԱԿԻՑՆԵՐ

Հուլիսի 5-ին Պարույր Հայրիկյանը դառնում է 39 տարեկան:

Այդ 39 տարիների գրեթե կեսը նա խորհրդային զարհուրելի պատժախցերում է անցկացրել՝ ԱՆԿԱԽ ՀԱՅԱՍՏԱՆԻ ՍՐԲԱԼՈՒՅՍ ԳԱՂԱՓԱՐԻ համար:

Մարտի 24-ից Հայրիկյանը դարձյալ ձերբակալված է: Նա կալանավորված է ոչ թե ԱՆԿԱԽՈՒԹՅԱՆ ՔԱՐՈՋՁՈՒԹՅԱՆ, այլ՝ Ղարաբաղյան շարժմանը վճռական թափ հաղորդած լինելու, համաշխարհային հասարակական կարծիքը ԱՐԴԱՐՈՒԹՅԱՆ, այսինքն՝ մեր կողմը թեքելու:

Սուբգայիթի ջարդարարների իսկական հասցեն մատնանշելու:

Մոսկվայի հայատյաց և սուտ տեղեկությունները արժեզրկելու, նրան որոշ կիսաբերան ճշմարտություններ ասել ստիպելու:

Նրեմլի հակահայ զաղտնի քայլերը կոպտելու և ժողովրդին զգուշացնելու համար:

Այսինքն Պարույր Հայրիկյանը ՂԱՐԱԲԱՂՅԱՆ ՇԱՐԺՄԱՆ ԱՆՄԵՂ ՋՈՀՆ է:

Ուստի շարժումը պետք է վճռականորեն սատար կանգնի նրան:

Ի՞նչ էր ասում Պարույր Հայրիկյանը փետրվար ամսին:

Ա. Ղարաբաղյան հարցում հայոլթյան պահանջը ԲԱՑԱՌԱՊԵՍ Մոսկվայից պիտի լինի: Մենք Ադրբեջանից պահանջ չունենք, քանի որ նախ՝ Ղարաբաղը իրավագուրկ Հայաստանից բռնագրավել - իրավագուրկ Ադրբե-

ջանին է հանձնել Մոսկվան: Երկրորդ՝ արցախահայությունը Ադրբեջանից անջատվել է ինքնորոշման իրավունքով: Երրորդ՝ Ադրբեջան կոչված վարչական միավորի տերը Մոսկվան է, ոչ թե ադրբեջանական ժողովուրդը:

Բ. Երբ Քաղբյուրոն փետրվարին մերժեց արցախահայության ինքնորոշման իրավունքը, հայ ժողովուրդը չպետք է ցույց-գործադուլը դարձնենք: Նա պիտի դնել ի. Հայաստանը ԽՍՀՄ-ից անջատելու խնդիրը:

Գ. Մենք մեր տասնյակ կարևոր խնդիրները ոչ թե պիտի դնենք հերթի, որպեսզի յուրաքանչյուրի վրա տարիների ԱՊԱՐԻՅՈՒՆ պայքարով ՌԻՍՔԱՄ լինենք, այլ ՀԱՅՐԵՆԻՔԻ և սփյուռքի բովանդակ ուժերը համերաշխ սեեռենք ՀԱՐՑԵՐԻ ՀԱՐՑԸ ԼՈՒԾԵԼՈՒՆԻ վրա՝ քանզի մեր բոլոր հարցերի լուծման ԱՄԵՆԱԿԱՐԺ ու ԱՄԵՆԱԻՐԱԿԱՆ ուղին ի. Հայաստանի անկախացումն է՝ ԱԶԳԱՅԻՆ ՊԵՏԱԿԱՆՈՒԹՅԱՆ վերականգնումը:

Պարյուր Հայրիկյանի այս ու այլ զաղափարները փետրվարին շատերի ականջին արտաոռոց էին հնչում: Այժմ ազգի մեծամասնությունն է այդ կարծիքին: Ուստի եկեք հակառակորդի թակարդից դուրս պրծնենք և ազգային հերոսին ՉԱՆՋԱՏԵՆՔ ԱԶԳԻՑ ու Նարաբադի շարժումից:

Եկեք վերջապես հասկանանք, որ Պ. Հայրիկյանի հարցը ՀԱՄԱԶԳԱՅԻՆ հարց է: Քանզի Հայրիկյանի կալանավորումը ՀԱՅ ԺՈՂՈՎՐԴԻ ԱՐԺԱՅԻՆ ԱՊԱՏՎՈՒԹՅԱՆ ԵՎ ԻՆՔՆՈՐՈՇՄԱՆ իրավունքի ՈՏՆԱՀԱՐՈՒՄ է: Իսկ նրա ազատ արձակումը՝ մեր ոտնահարված իրավունքների մասնակի վերականգնում: Հայրիկյանին ազատ արձակելու պահանջը մեր շարժումը վերջնականապես կդարձնի ազգային:

ԱԶԱՏՈՒԹՅՈՒՆ ՊԱՐՈՒՅՐ ՀԱՅՐԻԿՅԱՆԻՆ  
Հավաքվում ենք ԱՆԿԱՌՈՒԹՅԱՆ հրապարակում հուլիսի 5-ին, ժամը 18-ին:

1 հուլիսի 1988թ.  
Երևան

ԱԶԳԱՅԻՆ ԻՆՔՆՈՐՈՇՈՒՄ ՄԻԱՎՈՐՈՒՄ